

Bosna i Hercegovina
Federacija Bosne i Hercegovine
Srednjobosanski kanton / Kanton Središnja Bosna
OPĆINA FOJNICA
OPĆINSKA IZBORNA KOMISIJA FOJNICA

Broj: 128-2/16
Fojnica, 16.09.2016.godine

Na osnovu člana 2.1, 2.2 i 2.19 stav 3. Izbornog zakona Bosne i Hercegovine («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 32/07, 33/08, 37/08, 32/10, 18/13, 7/14 i 31/16), te na osnovu članova 2., 3., 4., 5., 8., 9., člana 10. stav 9., 10. i 11. i člana 14. Uputstva o utvrđivanju kvalifikacija i postupku imenovanja članova biračkih odbora broj: 05-1-02-2-471-1/14 od 08.05.2014.godine, općinska izborna komisija Fojnica na sjednici održanoj dana 16.09.2016.godine, donosi:

RJEŠENJE

O IMENOVANJU PREDSJEDNIKA, ZAMJENIKA PREDSJEDNIKA, ČLANOVA I ZAMJENIKA ČLANOVA BIRAČKIH ODBORA U MOBILNOM TIMU 2 ZA LOKALNE IZBORE 2016.GODINE

Član 1.

Općinska izborna komisija Fojnica, za Lokalne izbore 2016.godine, koji će se održati dana 02.10.2016.godine (nedjelja), imenuje predsjednika, zamjenika predsjednika, članove i zamjenike članova biračkih odbora u mobilnom timu 2., na način kako slijedi:

MOBILNI TIM 2			
1.	Ivona Oroz-član HDZ,HSS	1.	Jelena Cvjetković-zamjenik člana HDZ,HSS
2.	Almir Dedić-član SBB-Fahrudin Radončić	2.	Jasmin Klisura -zamjenik člana OIK
3.	Azem Duran-predsjednik SDA	3.	Tarik Mašin-zamjenik predsjednika SDA

Član 2.

Predsjednik biračkog odbora neposredno rukovodi radom biračkog mjesta, osigurava da se proces glasanja na biračkom mjestu odvija nesmetano, u skladu sa odredbama poglavlja 5. Izbornog zakona BiH, te zajedno sa članovima biračkog odbora osigurava pravilnost, tajnost glasanja i evidentira rezultate glasanja na biračkom mjestu.

Član 3.

Zamjenik predsjednika, odnosno zamjenici članova biračkog odbora učestvuju u radu samo ako je predsjednik, odnosno član biračkog odbora spriječen da dođe na biračko mjesto na dan održavanja izbora ili ako moraju iz opravdanih razloga napustiti biračko mjesto u toku rada na dan održavanja izbora.

Na redovnim biračkim mjestima, gdje je u izvodu iz Centralnog biračkog spiska za to biračko mjesto upisano više od 500 birača (sva biračka mjesta osim BM: Novo naselje 1, Pridola, Dusina, Lokalitet samostana 2, Ostružnica 2, biračko mjesto za odsustvo i nepotvrđene glasačke listiće, te mobilni tim), zamjenik predsjednika, odnosno zamjenici članova biračkih odbora, koji nisu bili angažovani na biračkom mjestu do zatvaranja biračkog mjesta, obavezno učestvuju u brojanju glasova.

Član 4.

Obaveze i prava članova biračkih odbora i njihovih zamjenika su definisane Izbornim zakonom BiH («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 32/07, 33/08, 37/08, 32/10, 18/13, 7/14 i 31/16), Pravilnikom o načinu provođenja izbora u BiH broj: 05-1-02-2-442-1/14 od 24.04.2014.godine, te Uputstvom o utvrđivanju kvalifikacija i postupku imenovanja članova biračkih odbora broj: 05-1-02-2-471-1/14 od 08.05.2014.godine.

Član 5.

Naknade za angažman imenovanih članova biračkih odbora će biti isplaćene u skladu sa Odlukom općinske izborne komisije Fojnica o visini naknade za rad biračkih odbora u provođenju Lokalnih izbora 2016.godine broj: 88-2/16 od 22.08.2016.godine.

Obrazloženje

Pravni osnov za donošenje ovog rješenja sadržan je u odredbama člana 2.13 stav 1. tačka 3. i člana 2.19 Izbornog zakona BiH, te člana 10. stav 9., 10. i 11. i člana 14. Uputstva o utvrđivanju kvalifikacija i postupku imenovanja članova biračkih odbora.

Shodno odredbama člana 10. citiranog Uputstva, općinska izborna komisija Fojnica je uputila poziv svim političkim subjektima ovjerenim za učešće na predstojećim Lokalnim izborima 2016.godine, da prisustvuju javnoj dodjeli pozicija u biračkim odborima, koja je održana dana 03.08.2016.godine.

Ovjereni politički subjekti su poučeni da je potrebno dostaviti prijedloge za po jednog člana i jednog zamjenika člana biračkog odbora za 18 redovnih biračkih mjesta, jedno biračko mjesto za glasanje u odsustvu i za nepotvrđene glasačke listiće, te za jedan mobilni tim, te su upoznati također sa obavezom da prilikom dostavljanja prijedloga za članove biračkih odbora, izornoj komisiji trebaju dostaviti obrasce «SG-1» (izjava predloženog člana biračkog odbora / mobilnog tima), svojeručno potpisane od predloženih kandidata za članove biračkih odbora i ovjerene pečatom i potpisom ovlaštenog lica ovjerenog političkog subjekta.

Nakon završenog perioda za dostavljanje prijedloga političkih subjekata za članove biračkih odbora i njihovih zamjenika za biračka mjesta, izborna komisija je pristupila njihovom imenovanju, tako što je za biračka mjesta za koje je utvrđen redoslijed političkih subjekata, imenovala kandidate koje su predložili politički subjekti, a koji ispunjavaju opće uslove propisane članom 2.2 stav 1. i članom 2.3 Izbornog zakona BiH i posebne uslove propisane članovima 2. i 8. naprijed citiranog uputstva.

Ukoliko neki član biračkog odbora nije upisan u izvod iz Centralnog biračkog spiska za biračko mjesto gdje je imenovan, to je iz razloga, jer je kao prijedlog političkih subjekata imenovan na biračko mjesto koje je politički subjekt dobio postupkom dodjele pozicija, a da pri tome nije vođeno računa ili nije bilo u mogućnosti predložiti za članstvo u biračke odbore kandidate sa izvoda datog biračkog mjesta.

Predsjednike biračkih odbora i njihove zamjenike, općinska izborna komisija Fojnica je u skladu sa članom 2.19 stav 3. Izbornog zakona BiH i članom 10. stav 11. pomenutog uputstva imenovala između predloženih članova, odnosno zamjenika članova biračkih odbora, vodeći računa o njihovoj stručnoj spremi, dosadašnjem izbornom iskustvu, kao i o adekvatnoj zastupljenosti političkih subjekata.

S obzirom na kogentnu pravnu normu utvrđenu Izbornim zakonom BiH da u istom biračkom odboru na istom biračkom mjestu ne može biti zastupljen politički subjekt sa više od jednog predstavnika, te da se mjesta zamjenika članova biračkih odbora popunjavaju iz istih političkih subjekata, preostale upražnjene pozicije u biračkim odborima, općinska izborna komisija Fojnica je popunila članovima iz evidencije kvalificiranih članova ranijih biračkih odbora, odnosno mobilnih timova koju posjeduje, vodeći računa također da isti ispunjavaju opće i posebne uslove propisane zakonskim i podzakonskim aktima.

Izborna komisija je u procesu imenovanja članstva u biračke odbore, takođe vodila računa o adekvatnoj zastupljenosti spolova, te multietničkom sastavu članstva, koliko je to bilo moguće, te je nastojala da u skladu sa objektivnim okolnostima i mogućnostima zadovolji sve kriterije propisane odredbama Izbornog zakona BiH i gore navedenim Uputstvom.

S obzirom na povećan broj prijavljenih glasača sa posebnim potrebama, koji su izrazili želju da glasaju na Lokalnim izborima 2016.godine, a zbog starosti, bolesti ili invalidnosti nisu u mogućnosti pristupiti redovnom biračkom mjestu, općinska izborna komisija Fojnica je imala osnovanu potrebu da formira još jedan mobilni tim, te da pozicije u istom popuni osobama iz reda političkih subjekata, koje daljom raspodjelom pozicija i sljeduje, a to su članovi biračkih odbora ispred političkih subjekata: HDZ, HSS, SBB-Fahrudin Radončić i SDA.

Na osnovu svega navedenog općinska izborna komisija Fojnica je odlučila kao u dispozitivu ovog rješenja.

Pouka o pravnom lijeku:


Na rješenje o imenovanju predsjednika, zamjenika predsjednika, članova biračkih odbora i njihovih zamjenika, ovjereni politički subjekti imaju pravo prigovora općinskoj izbornoj komisiji Fojnica, u roku od 24 sata od prijema rješenja o imenovanju biračkih odbora.

- Dostaviti:

M.P.

1. Ovjerenim političkim subjektima /HDZ, HSS; SBB; SDA/
2. Centralna izborna komisija BiH
3. Oglasna tabla i web portal općine Fojnica
4. A/a

Predsjednik OIK-a


Mustafa Topalović dipl. iur.